

Ա.ԽԱՉԱՏՐԾԱՆ, ԱՀՀ աբսթրակտիզմի վաղ ֆիլոսոֆիայի մուլթիմեդիա աբսթրակտիզմի (Ասպետական միությունները և կտրիճները միավորումները իսլամական հասարակությունում), Բեյրութ, 1998, 173 էջ:

1998թ. Բեյրութում «Գիտական հետազոտությունների և վավերագրության արաբական կենտրոնի» Հրատարակությունների շարքում արաբերեն լեզվով լույս տեսավ ՀՀ ԳԱԱ Արևելագիտության ինստիտուտի ավագ գիտաշխատող, Երևանի պետական համալսարանի արաբագիտության ամբիոնի դոցենտ, պատմական գիտությունների թեկնածու Ալեքսանդր Խաչատրյանի մենագրությունը՝ «ԱՀՀ աբսթրակտիզմի վաղ ֆիլոսոֆիայի մուլթիմեդիա աբսթրակտիզմը: Գիրքը սկսվում է արաբ հայտնի պատմաբան Սալեհ Ջահր ադ-Դինի նախաբանով, ուր բարձր դաստիարակության է տրվում աբսթրակտիզմի հիմնահարցերի լուսաբանմանը:

Ինքնին ուշագրավ է Հայ արաբագետի հետազոտության (իսկ սա արդեն նրա երկրորդ աբսթրակտիզմն է, որ Հրատարակվում է արաբական երկրներում)՝ արաբական գիտական կենտրոնի կողմից լույս ընծայվելու փաստը: Դա, ըստ էության, ոչ միայն վկայում է արաբական աշխարհում Հայկական արաբագիտական դպրոցի բարձր հեղինակության մասին, այլև ապացուցում է այն կարևոր նշանակությունը, որ ունի Հայագիտության և ընդհանրապես Հայ հասարակության համար արևելագիտությունը, Մերձավոր և Միջին արևելքի տարածաշրջանի՝ մասնավորապես՝ արաբական աշխարհի հետ գիտական և մշակութային կապերի հաստատումն ու ընդլայնումը: Այդ առումով, դժվար է գերազանահատել Ա.Խաչատրյանի ներդրումը թե՛ Հայ արևելագիտության, թե՛ Հայ-արաբական և թե՛ Հայ-իսլամական Հարաբերությունների ասպարեզում:

Հետազոտելով պատմական սկզբնաղբյուրների (լեզվավորապես՝ արաբական) նյութերը հեղինակը հանգում է այն եզրակացության, որ բազմիմաստ «Ֆութուվիա» տերմինը նախաիսլամական և վաղ իսլամական ժամանակաշրջաններում ներկայացնում էր «Ֆիթյանների» (եզ.՝ «ֆաթա» - երիտասարդ) «պատվի վարքականոն» և ընդգրկում մարդկային առաքինությունների՝ ամբողջական համալիր, որոնք արտացոլում էին բեզվին արաբների իդեալական վարքականոնը:

Հեղինակն արդարացիորեն նշում է, որ ժամանակի ընթացքում «Ֆութուվիա» և «մուրուվիա» հասկացությունները դառնում են հոմանիշներ: Ընդ որում, որ ամենակարևորն է, եզրակացնում է Ա.Խաչատրյանը, «Ֆութուվիա» տերմինն արտահայտել է «երիտասարդ տղամարդու» սոսկ անհատական բարոյաէթիկական հատկանիշները, բարեմասնությունները և ոչ մի կապ չի ունեցել հասարակական-քաղաքական կազմավորման հետ:

Մեր կարծիքով, Մուհամմեդ մարգարեի քարոզիչ հետո մուրուվիան անխուսափելիորեն կորցրեց իր սոցիոմշակութային և իրավաբարոյական դերը, աստիճանաբար վերածվելով արարողակարգային, էթիկետային Հարցերի լուծմանը ծառայող դաստիարակչական մի համալիրի, որն իր տեղը գտավ ազարի (կրթված մարդկանց հատուկ դիտելիքների հանրագումար) համալիրում: Պատահական չէ, որ ազարի հիմնադիր Աբդալլահ իբն սուլ-Մուկաֆայի ստեղծագործություններում այս տերմինը ամենահաճախ գործածվողներից է:

Ֆութուվիան, ամենայն հավանականությամբ, նախաիսլամական շրջանում եղել է ցեղերի պատանեկան խմբերի ինիցիացիոն փորձությունների համալիրը, որն աստիճանաբար վերաիմաստավորվել է որպես ցեղի երիտասարդ, չամուսնացած անդամից պահանջվող հատկությունների համալիր:

Քաղաքում ձևավորվում են այսպես կոչված «քաղաքի տղաների» խմբեր, որտեղ կարևոր չէր սոցիալական կամ ցեղային պատկանելությունը, սակայն չափազանց կարևոր էր որոշակի հատկանիշներ ունենալը, այն է՝ խիզախություն, ճարպկություն, խորամանկություն, արագ և սրամիտ պատասխանելու ունակություն (սարի՝ լի-շավար, Աբու Հանիֆա ադ-Դինավարի, Քիթաբ աբ-խաբար ատ-տիվայ) և այլն: Այս հատկությունները գալիս են փոխարինելու ֆութուվիայի հին իմաստը: Երիտասարդների այս

խմբերը հունեին ձևավորված կամ կազմակերպված բնույթ, քանի դեռ չէր դրա պահանջը: Ա.Խաչատրյանը նշում է. «Աբբասյան խալիֆայության քաղաքական տիրապետության թուլացման, իսլամական հասարակության ընդգծված շեփուկորման, հասարակական անարդարությունների, անիշխանության և օտար աւրբերի տիրապետության հաստատման պայմաններում արմատական փոփոխություններ են տեղի ունենում նաև Ֆուլթուվայի գաղափարախոսության, դրանց անդաների քաղաքական հայացքների ու համոզմունքների և սոցիալական կազմի մեջ»: Ատոթեանաբար ԼԲԱԼԲ վերածվում են կազմակերպված քաղաքական լուրջ ուժի, որի հետ հաջի էին ևստում այդ ժամանակ չախաղանց թույլ տեղական իշխանությունները:

Ա.Խաչատրյանը դրում է, որ X - XII դդ. ֆուլթուվայի արդեն Լեռնայանցում էր հասարակական ընդդիմություն՝ կառավարող իշխանությունների հակադեպ՝ հաճախ հանդես գալով տարբեր անուններով: Օրինակ՝ Իրաքի և Իրանի քաղաքներում ԼԲԱԼԲ կոչվում էին «այլար» կամ «ջավանմարջան», Սիրիայում (Դամասկոս, Հալեպ)՝ «ազ-դաս», Միջին Ասիայում՝ «ջավանան», իսկ Կովկասի կամ Փոքր Ասիայի քաղաքներում՝ «սախա» կամ «ֆիթյան»:

Այստեղ անհրաժեշտ է որոշ դիտողություններ անել այս հարցում Հեղինակի ունեցած տեսակետի վերաբերյալ: Իրականում շղափելի տարբերություններ կան Սիրիայի «ազդանների» և Իրաքի ու Իրանի «ֆիթյանների» միջև: Ինչպես գրում է Կ.Կաննը, «ազդանը» քաղաքի բարեկեցիկ շերտերի երիտասարդ բնակիչների յուրատեսակ միավորում էր, որը գիտնականը նմանեցնում է ռազմատարական «ակումբի»՝ դուզահաններ անցկացնելով շուրջ և Բյուզանդիայի պատանեկան միավորումների և քաղաքային ոստիկանության հետ:

«Ֆիթյաններին» և «այլարներին», Հեղինակը հաճախ նույնացնում է, մինչդեռ, արարական սղոյուրներում նրանք հստակ տարբերվում են իրարից: Օրինակ՝ առ-Տարսինի դրում է 361/971 - 972թ. Բաղդադում տեղի ունեցած իրադարձությունների մասին. «Կամավոր պաշտպաններ էին ֆիթյանները, սուննիները, չիաները և այլարները», այսինքն՝ քաղաքը թշնամուց պաշտպանում էին երկու կրոնական ուղղությունների ներկայացուցիչները, քաղաքի երիտասարդության խումբը («ֆիթյան») և դողերի ու ավազակների կողքին հաճախ հիշատակվող «այլարների»՝ միջնադարյան քաղաքի յուրատեսակ լյուծակներին, խումբը:

Վերլուծելով արաբական և պարսկական պատմական աղբյուրների նյութերը՝ Հեղինակը ցույց է տալիս Իրաքի և Իրանի ֆիթյանների և այլարների գործունեության սյուսակները IX - XII դդ., վերհանում նրանց ոչ միատարր սոցիալական կազմը: Գնահատելով նրանց դործունեությունը Բաղդադում նա հանդում է այն եղրակացության, որ թեև նրանք կարողացան պայքարի ընթացքում իրենց ձեռքը վերցնել քաղաքի իրական իշխանությունն ու կառավարումը (1135 - 1144թթ.), սակայն նրանց ելույթները բնորոշվում էին տարբերայնությամբ և հանկարծակի պոթկումներով, հանգամանք, որ յուրահատուկ էր միջնադարյան բոլոր սոցիալական շարժումներին: Ստորին խավերի՝ արհեստավորների վրա դրված «հովանավորչական հարկերը» և մեծահարուստների ունեցվածքի կողոպուտը առաջ բերեցին նրանց աղգեցության անկում: Նրանք կորցնում էին իրենց սոցիալական հենարանը: Մնկուսանալով ստորին խավերից՝ ֆիթյանները և այլարները սկսում են կապի մեջ մտնել և հովանավորություն ու պաշտպանություն փնտրել քաղաքի աղղեցիկ մարդկանց և թուրքսելջուկյան իշխանության ներկայացուցիչների շրջանում: Այս հանդամանքը ավելի է խորացնում հակասությունը նրանց և ժողովրդական խավերի միջև, որոնք թշնամաբար էին տրամադրված սելջուկյան իշխանության նկատմամբ:

Ա.Խաչատրյանը լուսաբանում է նաև ֆիթյանների ու այլարների կապերը խալիֆայության սահմանամերձ շրջաններում (Միջին Ասիա, Փոքր Ասիա) «հեթանոսների ու այլահավատների» դեմ կրոնական պատերազմ (Ջիհադ) մղող «ղաղիների» (մարտիկների) հետ: Նա իրավացիորեն նկատել է, որ որոշ հետազոտողներ ֆիթյաններին և այլարներին հաճախ նույնացնում են «ղաղիների» հետ: Իրականում ֆիթյանները և այլարները գործում էին արաբական խալիֆայության կազմի մեջ մտնող



քաղաքներում և գյուղերում, բայց երբեմն կամավորական Գոկաւներ էին կազմում և ղազինների հետ միասին մասնակցում «սրբազան» պատերազմին խալիֆայության ծայրամասերում «անհավատների» (քրիստոնյաների) և հեթանոս թուրքերի դեմ:

Այնուհետև, Հեղինակն անդրադառնում է Ֆիթյանների՝ առևտրաարհեստավորական եղբայրությունների հետ XIII դարում տնտեսական, քաղաքական և գաղափարական շահերից բխած միավորմանը, որը կրում էր «Ֆիթյանների եղբայրություն» անվանումը: Լուսաբանվում են նաև Ֆիթյանների և մահմեդական «սուֆի» (միստիկ) միաբանությունների կապերը՝ սկսած XI դարից: Ֆիթյանների միջև առաջացած գույքային անհավասարության և շերտավորման հետևանքով նրանցից շատերը, առևտրաարհեստավորական ասպարեզում գործնական նպատակների չհամեմարվելով, գերադասեցին նվիրվել ճանավորական կյանքին, մտնելով սուֆիական տարբեր միաբանությունների մեջ:

Քննության առնելով Ֆիթյանների գործունեությունը Կովկասի, Փոքր Ասիայի և Հայաստանի քաղաքներում (այդ թվում խառը քրիստոնյա և մահմեդական բնակչություն ունեցող որոշ քաղաքներում)՝ Ա.Նաչատրյանը նշում է, որ XIII - XIV դդ. այստեղ տարածվեցին ֆութուվայի կազմավորումներ, որոնք Հայտնի էին «ախի» (ուզբուրերեն և միջին թուրքերեն նշանակում է «վեհ, առատաձեռն մարդ») անունով: «Ախիներ» իրենց կոչում էին «ֆութուվայի տեր», «ֆութուվա կրող» և այլն: Հեղինակը կարծիքով, ախիները Իրանից Կովկաս և Փոքր Ասիա են թափանցել սելջուկյան Հայտնի արշավանքներից հետո (XI - XII դդ.): Նրանց դերն ու նշանակությունը շեշտակի բարձրացավ XIII դ. կեսերից սկսած, երբ տրոհվեց Փոքր Ասիայի Խուսի սելջուկների սուլթանությունը, և փոքրասիական քաղաքների անիշխանության պայմաններում ախիներն իրենց ձեռքը վերցրեցին տեղի իշխանությունը՝ ստանձնելով բարձր պաշտոններ: Թյուրք և մոնղոլ տարբեր իշխանների միջև ծավալված հակամարտության ժամանակ յուրաքանչյուրը ցանկանում էր իր կողմը զբաղվել ախիներին, որոնք դարձել էին կարևոր քաղաքական գործոն:

Ապա Հեղինակը զուգահեռներ է անցկացնում նրանց և զուտ Հայկական նման կազմավորումների միջև: Հայ իրականության մեջ այդ կարգի կազմավորումները Հայտնի են «Եղբայր միաբանություն» անունով: Դրանց անդամները բաժանվում էին երկու խմբի՝ «կտրիճներ» և «մանուկներ», իսկ ղեկավարը կոչվում էր «մանկտավագ» (կամ «մանկասար»): 1280թ. նման մի կազմավորում էր ցտեղծվել Երզնկա քաղաքում, որն ուներ իր կանոնադրությունը և պաշտոնապես ճանաչված էր Հայոց եկեղեցու կողմից: Այն համալրված էր «բրիտասարդ և տղայահասակ մանկուճք» անդամներով:

Դրա հետ մեկտեղ Ա.Նաչատրյանը արդարացիորեն նկատում է, որ Փոքր Ասիայի և Հայաստանի քաղաքներում տեղի առևտրաարհեստավորական ունևոր խավերի ներկայացուցիչները, դիրքի ու պաշտոնի հասնելու նպատակով, մտնում էին ախիների շարքերը՝ նրանց ազդեցությունը և Հեղինակությունը օգտագործելու համար: XIV - XV դդ. ախիներն արդեն հասել էին բարձր և ազդեցիկ դիրքերի, տնօրինում էին տարբեր քաղաքների իրական իշխանությունը՝ դառնալով քաղաքային ազնվական խավ: Վերլուծելով տարաբնույթ աղբյուրների հիշատակությունները ախիների ղավանական կազմի մասին՝ աշխատության վերջում Ա.Նաչատրյանը հանդում է այն եզրակացություն, որ որոշ քաղաքներում ախիների կազմավորումներին անդամակցել են Հայ և հույն ներկայացուցիչներ, որոնք, ելնելով տնտեսական և քաղաքական շահերից, ընդունել են մահմեդականություն:

Իսլամական Հասարակության սոցիալ-տնտեսական պատմության առանցքային խնդիրներից մեկին նվիրված այս հետազոտությանը կարելի է տալ միանշանակ բարձր գնահատական:

Դ.Ա. ՀՈՎՀԱՆԵՒՍԹԱՆ (բան. դիտ. թեկնածու)

Ս.Ր. ԿԱՐԱՆԿՅԱՆ (բան. դիտ. թեկնածու)